

(...)

Douat, testamant,

Au nom de dieu soit sçaichent  
tous presans et advenir que l( )**an mil six cens  
cinquante sept** et le **quatorziesme** jour du mois  
**d'aoust** avant midy dans la chambre du bastimant  
que pierre granier laboureur a au lieu dict **as  
navidals parroisse de villematie** ou le

537

testateur cy apres nomme faict a p(rese)nt son  
habita(ti)on au diocese bas montauban et seneschaucé  
de th(ou)l(ous)e regnant nostre tres chrestien prince louis  
quatorziesme par la grace de dieu roy de france  
et de navarre pardevant moy no(tai)re royal soubs(sig)ne  
et presans les tesmoins bas nommes a este en  
personne **andre douat dict peyties travailleur**  
couché dans un lict a lad(ite) salle detenu de maladie  
corporelle de son corps mais par la grace de  
dieu en son bon sans jugement memoire et  
cognoissance bien voyant oyant et parlant comme  
a aparu a moy no(tai)re et tesmoins lequel de  
son bon gre pure et franche volonte non seduit  
induit ny suborne de personne comme a dict  
a faict et regle son testamant noncupatif et  
derniere dispo(siti)on de ses biens en la forme  
suivante ; Premieremant led(it) douat testateur  
se seroit bien humblemant recomande a la  
misericorde de dieu et auroit declaire sa  
volonté estre qu'apres son decés son corps soit  
ensevely au cimetiere de lad(ite) parroisse de  
villematié en la forme de la religion catholique  
apostolique et romaine et que ses honneurs  
funebres soient faictes par l( )ordre et la discretion  
de de (sic.) **anthoine douat son fils et de feu  
astrugue teysseyre sa premiere femme**, hoir  
bas nommé. Item a declaire led(it) testateur qu'il  
veut et entand que les meubles et autres choses  
par luy recognees a **lenote florestan sa femme**

soint par el(l)e retires incontinant apres son decés  
ensamble une ache, une *trinche* et un oyeau  
fer uses qu( )il luy donne. Item veut le testateur  
que lad(ite) florestan sa fame retire et luy apartiene  
tout le le (sic.) profit quy pourra estre pour sa part  
a un troupeau de brebis qu'il tient a gasailhe

verballe(men)t dud(it) pierre granier, et qu( )elle retire  
aussy et luy apartiene tout le grain qu'elle  
peut avoir glané la p(rese)nt annéé. Et <sup>pour</sup> le grain  
qu'elle a retiré ou pourra retirer ceste annéé  
au sol de la metterie des hoirs de feu m(aîtr)e  
michel vaissié pour son droict d( )estibade led(it)  
andre douat testateur veut qu'apartiene  
a sad(ite) fame. Et en tous et chacuns les autres  
biens dud(it) testateur icelluy a nommé et  
institué pour son hoir universel et general  
led(it) anthoine douat son fils pour apres  
son deces estre faict de sesd(its) biens restans a ses  
plaisirs et volontes a la vie et a la mort, et  
ainsy led(it) douat testateur a disposé de ses  
biens par son p(rese)nt testamant qu( )il a voulu  
estre valable par droict de testamant codicille  
donnation et par tout autre meilleure forme  
de droict, cassant et annullant tous autres  
testamans et dispositions precedants sy  
a pries le(s) tesmoins (par luy recognus) d( )atester  
ceste siene disp(osition) et a moy no(tai)re de luy en  
retenir acte, ce que luy a este concedé es

538

presances de jean tailhefer de villemur  
signe, jean bufel travailleur dud(it) villemur  
estienne jougla laboureur d( )estranaque pierre  
jougla, huguet tremolines jean jougla  
travailleurs de manhanac bernad et pierre  
arnouls pere et fils aussy travailleurs  
habitans dans le consulat de varenes quy ont  
dict et led(it) testateur ne sçavoir signer et moy  
notaire royal dudict villemur requis

Tailhefer, p(rese)nt

Esteverin  
not(aire)